



Palabras xuntas e separadas

Substantivos e adxectivos

Constituíntes xuntos

Se a flexión de xénero ou número se realiza só no último constituínte ou se a palabra composta é invariable, a unión entre os seus compoñentes prodúcese directamente.

cartafo (→ *cartafoles*)

vacaloura (→ *vacalouras*)

abrelatas (invariable)

Constituíntes separados

De realizarse a flexión de xénero ou número nos dous constituíntes ou só no primeiro, estas escríbense de forma separada (sen guión).

garda civil (→ *gardas civís*)

camión cisterna (→ *camións cisterna*)



Actividades

Palabras xuntas
e separadas

1. Agrupa e ordena as sílabas de cada cor para formar substantivos. Despois escríbeos xuntos ou separados segundo conveña no cadro que segue.

rrú	co	gar	me	ga	ca	bar	
tas	to	dí	bei	so	bra	a	cos
mans	por	mo	ma	mon	da	a	pa
dio	fá	vo	tés	ble	ra	sa	

<i>Flexiona en xénero ou número só o segundo constituínte (o cartafol → os cartafoles) ou é invariable (o abrelatas → os abrelatas)</i> 	<i>Flexionan en xénero ou número os dous constituíntes (o garda civil → os gardas civís) ou só o primeiro (o camiión cisterna → os camiións cisterna)</i>
Constituíntes xuntos	Constituíntes separados

— Completa agora estas oracións coas palabras anteriores convenientemente escritas.

- Por favor, garda as botellas de licor no
- O perseguiu o barco dos contrabandistas.
- O xabaril tamén pode recibir o nome de
- Quedei con eles ao no pavillón de deportes.
- Naquel documental vin como un cazaba un coello.
- Multaron a Filipe por aparcar o seu coche enriba da
- Ti podes durmir no que hai no salón.
- Dille ao avó que se suxeite ben no cando baixe as escaleiras.

2. Escribe estas oracións corrixindo os erros que conteñen.

- En Noite Boa ceamos peixesapo guisado e de sobremesa turrón e noces.
.....
- A misa de cabo dano do tenentecoronel non é no campo santo senón na igrexa.
.....
- O alcalde deulles a ben vida aos participantes no campionato de pesca deportiva de peixespada.
.....

Adverbios, conxuncións...

Constituíntes xuntos

acotío
adrede
amais (de)
amodo
apenas
arreo
dabondo
decontado
decontino
decote
decotío
deseguida
deseguido
devagar
disque
enseguida
entremementres
talvez

adverbios

dezaseís
dezasete
dezaioito
dezanove
douscentos
trescentos
catrocentos
....

numerais

conque — conx. consecutiva (= 'polo tanto, daquela')

porque — conx. causal

porqué — substantivo (= 'motivo, razón')

senón — conx. adversativa; preposición

demais — pronome

Constituíntes separados

a carón
á présa
a tempo
de certo
de repente
de súpeto
en fronte
en seguida

adverbios

vinte e un
vinte e dous
vinte e tres
vinte e catro
vinte e cinco
vinte e seis
vinte e sete
vinte e oito
vinte e nove
trinta e un
....

numerais

con todo — loc. conx. adversativa (= 'non obstante')

des que
entre tanto — loc. conx. temporais

polo tanto — loc. conx. consecutiva

con que — loc. conx. condicional (= 'se'); prep. + pron. relativo ou pron. interrogativo.

por que — prep. + pron. interrogativo.

se non — conx. condicional ou completiva + adv. de negación

a máis — artigo ou preposición + adv. de cantidade

de máis — loc. adv. de cantidade (= 'demasiado'); prep. + adv. de cantidade



— Actividades

3. Completa cada serie de oracións coas palabras adecuadas do recadro que as precede.

conque - con que

- Confórmome hoxe non nos marquen máis de dous goles.
- Dixéronnos que xa non había entradas non puidemos ir ao concerto.
- frecuencia acostumas ir ao ximnasio?
- Iso é como eu cho digo, non lle deas máis voltas.
- O ordenador traballa Xoán é xa moi vello.
- estudes algo todos os días, aprobarás.

porque - porqué - por que

- Xabier agora pregúntase Ana se anoxou con el.
- Agora teño sono esta noite durmín mal.
- Gustárame saber o dos vossos risos.
- queres ir de vacacións no mes de setembro?
- Collín o paraugas parecía que ía chover.
- corres tanto se temos tempo de sobra?

senón - se non

- marchamos agora mesmo, chegaremos tarde ao cine.
- O médico non quere facerche dano, curarte.
- Non fai nada durmir e ver a televisión.
- Non comas máis tes fame.
- Aquilo non era un lobo, un raposo.
- Pregúntome haberá por aí outro restaurante máis barato ca este.

de máis - demais

- Eu quero ir de viaxe a París e os queren ir a Roma.
- Agora pensa só en poñerte mellor, o non ten importancia.
- Eu non estaba cómodo na discoteca: alí había xente
- Temos necesidade mantas porque as que hai son poucas.
- Viñeron todas: Ana, Carme e as compañeiras de clase.
- É mellor que cales: estás a falar



4. Rodea cun círculo a forma correcta de cada par. Despois completa as oracións coas palabras correctas adecuadas.

disque - dis que

adrede - a drede

polotanto - polo tanto

dabondo - de abondo

arreo - a reo

enseguida - en seguida

entretanto - entre tanto

apenas - a penas

- Manuel antes visitábanos moito, pero agora vén por aquí.
- Eu creo que el ten razóns para estar anoxado convosco.
- De collermos este atallo, chegaremos á casa de Paulo
- Os bombeiros traballaron para tratar de apagar o incendio.
- Non sei onde estará Xulia. ía facer unhas compras á vila.
- Eu cambieille o cueiro ao bebé. Marta,, preparoulle a merenda.
- Este é o quinto cartón amarelo de Ronaldo, estará un partido sen xogar.
- Uns din que rompiches os pratos accidentalmente, outros din que foi

5. Indica, con palabras, o resultado das seguintes operacións matemáticas.

$$18 + 11 = \dots\dots\dots$$

$$8 \times 4 = \dots\dots\dots$$

$$56 - 31 = \dots\dots\dots$$

$$51 : 3 = \dots\dots\dots$$

$$13 + 15 = \dots\dots\dots$$

$$51 \times 4 = \dots\dots\dots$$

$$92 : 4 = \dots\dots\dots$$

$$42 - 26 = \dots\dots\dots$$



-
- This image shows a full page of white paper with horizontal dashed lines, typical of primary-ruled notebook paper. The lines are evenly spaced and run across the width of the page. There are no margins, text, or other markings present.